

**O'zbekiston**  
**Metama'lumot**  
**Asosiy kapitalga investitsiyalar va qurilish ishlari narxlari indeksi**

**0. Asoslar**

**0.1 Qonuniy muhit**

**0.1.1 Statistika ma'lumotlarini yig'ish, qayta ishlash va tarqatish uchun javobgarlik**

**O'zbekiston Respublikasi Davlat statistika qo'mitasi**

Davlat statistika qo'mitasi 2002 yil 12 dekabrda tasdiqlangan va 2012 yilda o'rgartirish va qo'shimchalar kiritilgan "Davlat statistikasi to'g'risida"gi O'zbekiston Respublikasi qonuniga muvofiq mustaqil ravishda o'z faoliyatini yuritadi, ushbu qonun bilan davlat statistikasini tashkil etish sohasidagi munosabatlarni tartibga soladi, davlat statistikasi organlarining vakolatlarini belgilaydi hamda yagona statistika axboroti tizimi yuritilishi uchun normativ asos yaratadi.

2017 yil sentyabrda O'zbekiston Respublikasi Davlat statistika qo'mitasining vakolatlari, funksiyalari va tarkibini aniqlab beradigan yangi "O'zbekiston Respublikasi Davlat statistika qo'mitasi to'g'risida Nizom"i tasdiqlandi, ushbu nizom Davlat statistika qo'mitasi Milliy statistika tizimini muvofiqlashtirish, monitoring va nazorat qilishga mas'ul va ma'lumotlarni yig'ish, qayta ishlash, analiz qilish va tarqatish bo'yicha asosiy organ bo'lib hisoblanadi. Shu bilan birga, xalqaro standartlarga mos yagona statistik uslubiyat bilan ta'minlash vazifalarini bajaradi.

Davlat statistika qo'mitasi, statistika ishlarini olib boruvchi boshqa davlat statistika organlari singari davlat statistika hisobotlarini, ma'muriy hisobotlarni va davlat statistika kuzatuvlarini o'tkazish uchun zarur bo'lgan boshqa ma'lumotlarni, shuningdek hisobotlaridagi tushuntirishlarni o'z vakolatlari doirasida boshqa organlardan talab qilib olish huquqiga ega.

2017 yil 12 sentyabrdagi 5054 sonli Prezident topshirig'iga muvofiq, mamlakatdagi iqtisodiy va moliyaviy ma'lumotlar XVJning kengaytirilgan umumiy ma'lumotlar tarqatish tizimi (k-MTUT) doirasiga to'g'ri keladigan va muvofiqlashgan bo'lishi kerak.

2019 yilning aprel oyida O'zbekiston Respublikasi Prezidentining "Davlat boshqaruvining ochiqligi va shaffofligini ta'minlash hamda mamlakatning statistika salohiyatini oshirish yuzasidan qo'shimcha chora-tadbirlar to'g'risida"gi PQ-4273-sonli qarori tasdiqlandi, ushbu qaror bilan Davlat statistika qo'mitasi markaziy apparati tarkibida O'zbekiston Respublikasi Ochiq ma'lumotlar portalidagi ro'yxatni shakllantirish, yuritish va yangilash bo'yicha davlat organlari va tashkilotlari faoliyatini muvofiqlashtirish bilan bog'liq ishlar uchun mas'ul bo'linma tashkil etildi.

**0.1.2 Ma'lumot ishlab chiqaruvchi tashkilotlar o'rtasida ma'lumotlar almashinuvi va muvofiqlashtirish**

### **O'zbekiston Respublikasi Davlat statistika qo'mitasi**

“Davlat statistikasi to‘g‘risidagi” qonunning 9-moddasiga asosan Davlat statistikasi organlari Davlat statistikasi ishlari dasturini bajarishda davlat statistikasi organlariga ko‘maklashishi shart bo‘lgan boshqa davlat organlari hamda yuridik shaxslar bilan statistika ishlari hamkorlikda bajaradi. Davlat statistikasi organlari o‘zlarining vakolat doirasiga kiruvchi ayrim ishlarning boshqa davlat organlari hamda yuridik shaxslar tomonidan bajarilishiga qonun hujjatlarida belgilangan tartibda yo‘l qo‘yadi. Boshqa davlat organlari hamda yuridik shaxslar Davlat statistika ishlari dasturiga muvofiq davlat statistika kuzatuvlarini, shuningdek davlat statistikasi vakolatli organi bilan kelishilgan shakllarda idoraviy statistika kuzatuvlarini o‘tkazadi. Idoraviy statistika kuzatuvlarining ma‘lumotlari davlat statistikasi vakolatli organiga uning so‘roviga binoan taqdim etiladi.

Bundan tashqari, statistika kengashi davlat statistikasi vakolatli organi huzuridagi davlat statistikasining rivojlantirilishi, faoliyat ko‘rsatishi va muvofiqlashtirilishi muammolari bo‘yicha kollegial maslahat organi hisoblanadi. Statistika kengashi davlat statistikasining ayrim masalalarini ko‘rib chiqish uchun ekspert komissiyalari tayinlashi mumkin. Statistika kengashi va ekspert komissiyalarining yig‘ilishlariga ekspertlar taklif etilishi, yig‘ilishlarda vazirliklar, davlat qo‘mitalari va idoralar vakillarining davlat statistikasi masalalari bo‘yicha axborotlari eshinishi mumkin. Statistika kengashining tarkibi O‘zbekiston Respublikasi Prezidenti tomonidan tasdiqlanadi.

#### **0.1.3 Alohida muxbirlarning ma‘lumotlari maxfiyligi**

### **O'zbekiston Respublikasi Davlat statistika qo'mitasi**

“Davlat statistikasi to‘g‘risidagi” qonunning 7-moddasiga asosan Davlat statistikasi organlari yakka tartibdagi statistika ma‘lumotlarining maxfiyligini, davlat sirlari va yuridik shaxslarning tijorat sirlariga rioya etilishini, jismoniy shaxslar to‘g‘risidagi ma‘lumotlarning egasi mavhumlashtirilishini ta‘minlashga majburdirlar. Bundan tashqari 2017 yil sentyabrda 690-son “O‘zbekiston Respublikasi Davlat statistika qo‘mitasi to‘g‘risida Nizom”ga asosan, Davlat statistika qo‘mitasi maxfiylik masalalarini hal qilish bo‘yicha xavfsizlik choralarini ko‘radi, shu jumladan bank sirlarini ham. Shu bilan birga, “Davlat statistikasi to‘g‘risidagi” qonunning 5-moddasiga asosan davlat organlari va mahalliy o‘zini o‘zi boshqarish organlarining davlat statistika sohasidagi faoliyatiga aralashuviga yo‘l qo‘yilmaydi.

Davlat statistika qo‘mitasi xodimlari axloq kodeksiga, shu jumladan maxfiylik qasamiga rioya qilishlari, o‘zlarining vazifalarini bajarishda ularga taqdim etilgan har qanday ma‘lumotlarni oshkor qilmasliklari kerak.

Ularni lavozimga tayinlash paytida majburiyatlari haqida ma‘lumot beriladi. Davlat statistika qo‘mitasining har bir xodimi uni bunday ma‘lumotlarni oshkor qilmaslik majburiyatini o‘z ichiga olgan shartnomaga qo‘l qo‘yishi shart.

#### **0.1.4 Statistik hisobotlarni taqdim etish**

### **O'zbekiston Respublikasi Davlat statistika qo'mitasi**

Davlat statistika qo‘mitasi sifat menejmenti va metama‘lumotlar boshqaruvini ta‘minlaydigan statistika biznes-jarayonlarini ifodalovchi BMT ning Yevropa Iqtisodiy Komissiyasining (UNECE) Statistika biznes jarayonlar umumiy modelini yuritadi.

Respondentlarga ma‘lumot yetkazib berish maqsadida Davlat statistika organlari o‘z vakolatlari doirasida moliya, bojxona, soliq organlari, banklar va boshqa idora va xizmatlar, yuridik shaxslar va ularning vakolatxonalari filiallaridan, jismoniy shaxslardan, shu jumladan yakka tartibdagi tadbirkorlardan Davlat statistika kuzatuvlarini yuritish uchun zarur bo‘lgan ma‘lumotlarni so‘rashga va olishga, shuningdek, statistik maqsadlarda foydalaniladigan hisobotlarga tushuntirishlar olishga huquqiga ega.

Bundan tashqari, davlat statistikasi korxonalar va muassasalar statistik ma‘lumotlarining ishonchligini tekshiradi, olingan statistik ma‘lumotlarni to‘liqligi ob‘ektivligini ekspertizadan o‘tkazadi va buzilganligi aniqlangan hollarda ularni to‘g‘rilash uchun zarur ko‘rsatmalar beradi va statistika ma‘lumotlariga tegishli tuzatishlar kiritadi.

## 0.2 Resurslar

### 0.2.1 Kadrlar, moddiy-texnik, elektron hisoblash va moliyaviy resurslar (tavsiya etiladigan kategoriya)

Asosiy kapitalga investitsiyalar va qurilish ishlari narxlar indeks ma‘lumotlarini shakllantirishda Markaziy apparatda Ishlab chiqaruvchilar narxlar statistikasi bo‘limining 5 nafar, hududiy statistika boshqarmalarining narx statistikasi bo‘limlarida 1-2 nafar xodimlar shug‘ullanadi.

Ishlab chiqaruvchilar narxlar statistikasi ma‘lumotlarini shakllantirish bo‘yicha belgilangan vazifalarni amalga oshirishda xodimlar soni yetarli darajada.

Barcha hodimlar oliy ma‘lumotga ega bo‘lib, har 2 yilda kamida 1 marta Davlat statistika qo‘mitasining Kadrlar malakasini oshirish va statistik tadqiqotlar instituti o‘quv kurslarida o‘z malakalarini oshiradilar.

Har bir ish o‘rni lokal tarmoqqa ulangan shaxsiy kompyuterlar bilan ta‘minlangan.

Dasturiy ta‘minotlar bevosita Davlat statistika qo‘mitasining o‘zida ishlab chiqilgan bo‘lib, zarurat tug‘ilganda kelgusida amalga oshirilishi mumkin bo‘lgan topshiriqlarni bajarishda dasturiy ta‘minotni yangilash va unga qo‘shimchalar kiritish imkoni beradi.

Davlat statistika ishlari dasturida belgilangan Ishlab chiqaruvchilar narxlar statistikasiga oid vazifalarni amalga oshirishda ajratilayotgan moddiy resurslar yetarli darajada.

## 1. Yaxlitlik

### 1.1 Kasbiy mahorat

#### 1.1.1 Statistikaning xolisligi

**O‘zbekiston Respublikasi Davlat statistika qo‘mitasi**

“Davlat statistikasi to‘g‘risidagi” qonunning 4-moddasiga asosan, Davlat statistikasining asosiy prinsiplari aniqlik, xolislik va beg‘arazlikdir. Bundan tashqari, “O‘zbekiston Respublikasi Davlat statistika qo‘mitasi to‘g‘risidagi Nizomi”da (13-modda) Davlat statistika qo‘mitasining prinsiplari beg‘arazlikni ta‘minlashi belgilangan.

### 1.1. Manbalar, uslublar va tarqatish usullarini tanlash

#### **O‘zbekiston Respublikasi Davlat statistika qo‘mitasi**

“Davlat statistikasi to‘g‘risidagi” qonunning 14-moddasiga muvofiq statistika ma‘lumotlaridan davlat manfaatlarini ko‘zlab va ilmiy maqsadlarda, jamoatchilikni xabardor etish, bunday ma‘lumotlardan foydalanuvchilarning huquqlari, erkinliklari va qonuniy manfaatlarini ta‘minlash uchun foydalaniladi. Davlat statistikasi organlari yuridik shaxslardan, ularning vakolatxonalari va filiallaridan, jismoniy shaxslar, shu jumladan yakka tartibdagi tadbirkorlardan olgan birlamchi statistika ma‘lumotlari faqat jamlanma statistika ko‘rsatkichlarini tayyorlashda statistika maqsadlarida ishlatiladi hamda jamlanma holatda va egasi mavhumlashtirilgan tarzda e‘lon qilinadi. Tarkibida davlat siri va tijorat sirlari bo‘lgan statistika ma‘lumotlari qonun hujjatlarida belgilangan tartibda taqdim etiladi.

### 1.1.3 Statistika ma‘lumotlarni noto‘g‘ri talqin qilish yoki undan noto‘g‘ri foydalanish bo‘yicha sharh

#### **O‘zbekiston Respublikasi Davlat statistika qo‘mitasi**

Davlat statistika qo‘mitasi statistik ma‘lumotlarni noto‘g‘ri talqin qilish va statistik ma‘lumotlardan noto‘g‘ri foydalanilganda o‘z izohini berishi mumkin.

### 1.2 Shaffoflik

#### 1.2.1 Statistika ma‘lumotlarni yig‘ish, qayta ishlash va tarqatish nizomi va tartibini oshkor qilish

#### **O‘zbekiston Respublikasi Davlat statistika qo‘mitasi**

“Davlat statistikasi to‘g‘risidagi” qonunning 4-moddasiga binoan, Davlat statistikasining asosiy prinsiplari qulaylik, ochiq-oydinlik va oshkoralikdir. Statistika ma‘lumotlarni yig‘ish, qayta ishlash va tarqatish bo‘yicha shartlar O‘zbekiston Respublikasining statistikaga oid qonun va qarorlarda keltirilgan. Ushbu qonunchilik choralari veb-saytga joylashtirilgan va jamoatchilikni ular bilan tanishish imkoniyati mavjud. Shunday qilib, “Davlat statistikasi to‘g‘risidagi” qonun (2002 yil) va Qo‘mitaning 368-sonli qarori veb-saytga ([www.stat.uz](http://www.stat.uz)) joylashtirilgan. Qonun Oliy Majlis byulletenida ham chop etiladi va normativ-huquqiy xujjatlar bazasiga (norma), shuningdek Adliya vazirligining [www.Lex.uz](http://www.Lex.uz) manzilida joylashgan ma‘lumotlar bazasida ham mavjud.

#### 1.2.2 Hukumatning statistik ma‘lumotlarga e‘lon qilinishidan oldin ko‘rishning ichki imkoniyati

#### **O‘zbekiston Respublikasi Davlat statistika qo‘mitasi**

Hukumat Davlat statistika qo‘mitasining ma‘lumotlarini e‘lon qilinish vaqtidan oldin

ko'rish imkoniyatiga ega emas. Statistika ma'lumotlarini tarqatishda Davlat statistika organlari mustaqildir. Davlat organlarining aralashuviga yo'l qo'yilmaydi ("Davlat statistikasi to'g'risidagi" qonunning 5-moddasi). Faqat qo'mita Raisi statistika ma'lumotlar e'lon qilinishidan oldin ularni ko'ra oladi.

### 1.2.3 Statistika ma'lumotlarini belgilash

#### **O'zbekiston Respublikasi Davlat statistika qo'mitasi**

Jamiyatga e'lon qilinayotgan ma'lumotlar ma'lumot ishlab chiqaruvchi agentlik tomonidan aniq belgilanadi (logotip va izohlar).

### 1.2.4 Uslubiyatlar, dastlabki ma'lumotlar va statistika usullardagi asosiy o'zgarishlar haqida avvaldan xabar berish.

#### **O'zbekiston Respublikasi Davlat statistika qo'mitasi**

Yangi uslubiyatga o'tishdan, mavjud uslubiyatlar va usullarga jiddiy o'zgartirishlar kiritishdan oldin Davlat statistika qo'mitasi jamoatchilikni oldindan ogohlantiradi. Davlat statistika qo'mitasi o'z veb-saytida foydalanuvchilarni qanday o'zgarishlar kutayotganini tushuntiruvchi tegishli uslubiy ko'rsatmalarni joylashtiradi.

## 1.3. Axloq me'yorlari

### 1.3.1 Xodimlarning axloqi bo'yicha ko'rmatma

#### **O'zbekiston Respublikasi Davlat statistika qo'mitasi**

Davlat statistika qo'mitasi xodimlari axloq kodeksiga, shu jumladan maxfiylik qasamiga rioya qilishlari, o'zlarining vazifalarini bajarishda ularga taqdim etilgan har qanday ma'lumotlarni oshkor qilmasligi kerak. Ular lavozimiga tayinlanayotganda majburiyatlari haqida ma'lumot beriladi. Davlat statistika qo'mitasi xodimi uni bunday ma'lumotlarni oshkor qilmaslik majburiyatini olgan shartnoma tuzishi shart.

## 2. Metodologiya

### 2.1 Konsepsiya va ta'riflar

#### 2.1.1 Konsepsiya va ta'riflar (talab etiladigan kategoriya)

Asosiy kapitalga investitsiyalar va qurilish ishlari narxlarini indeks tizimi quyidagi hollarda foydalanish uchun mo'ljallangan: umumiy iqtisodiy, prognoz va statistika hisob-kitoblarni amalga oshirishda (masalan, makro darajada sodir bo'layotgan iqtisodiy jarayonlarni tahlil qilish, asosiy kapitalga investitsiyalar qiymatini o'zgartirishi, balans hisob-kitoblarini amalga oshirish va yalpi ichki mahsulotni aniqlashda). Hisob-kitoblar ikki bosqichda: birinchidan, asosiy kapitalga investitsiyalarning texnologik tuzilmasining har bir elementi uchun narx indekslari alohida belgilanadi, keyin esa umumiy hisobda asosiy kapitalga investitsiyalar bo'yicha ularning texnologik tuzilmasi elementlari uchun individual va guruh narxlarini indekslari ko'rsatilgan holda amalga oshiriladi.

Qurilish-montaj ishlari narxlarini indeks tizimi bu ishlarning butun majmuasi qiymatining hisobot davri narxlariga ushbu ishlarning o'tgan davr narxlariga nisbatini aks ettiradi.

## 2.2 Statistik qamrov

### 2.2.1 Statistik qamrov (talab etiladigan kategoriya)

#### 2.2.1.1 Ma'lumotlarning statistik qamrovi

Asosiy kapitalga investitsiyalar va qurilish ishlari narxlari indekslarini shakllantirishda quyidagi manbalardan ma'lumot olinadi:

- O'zbekiston Respublikasi Iqtisodiy faoliyat turlari umumdavlat tasniflagichining F "Qurilish" seksiyasiga muvofiq (IFUT-2) respublikadagi yirik korxonalar tomonidan davlat statistika hisoboti doirasida sotib olingan qurilish materiallari, ularning qismlari va inshootlarining miqdori va narxlari to'g'risidagi ma'lumotlar;

- yirik qurilish korxonalari ishchilarining ish haqi to'g'risidagi ma'lumotlar;

- Davlat statistika ishlari dasturiga muvofiq tuzilgan sanoat mahsulotlari ishlab chiqaruvchi korxonalar narxlari indekslari, O'zbekiston Respublikasi Iqtisodiy faoliyat turlari umumdavlat tasniflagichiga (IFUT-2 taxrir) asosan V "Tog'-kon sanoati va ochiq konlarni ishlash", S "Ishlab chiqaradigan sanoat", D "Elektr, gaz, bug' bilan ta'minlash va havoni konditsiyalash", Ye "Suv bilan ta'minlash; kanalizatsiya tizimi, chiqindilarni yig'ish va utilizatsiya qilish" faoliyati bilash shug'ullanuvchi yirik korxonalar ro'yxatiga muvofiq tuzilgan;

- milliy valyutaning AQSh dollariga nisbatan qiymatining o'zgarishi to'g'risidagi ma'lumotlar.

#### 2.2.1.2 Statistik qamrovdan istisnalar

Amaldagi qonunchilikka binoan, kichik korxonalar har oyda statistik hisobotlarni taqdim etishdan ozod qilinganligi sababli bunday korxonalar hisobot qamroviga kiritilmaydi.

#### 2.2.1.3 Aniqlanmagan faoliyat

O'zbekiston Respublikasining amaldagi qonun hujjatlariga muvofiq taqiqlangan noqonuniy faoliyat hisobga olinmaydi.

## 2.3 Klassifikatsiya/sectorlar bo'yicha bo'lish

### 2.3.1 Klassifikatsiya/sectorlar bo'yicha bo'lish (ma'lumotlar kategoriyasiga aloqador sifatida talab etiladigan kategoriya)

Asosiy kapitalga investitsiyalar va qurilish ishlari narxlari indeksini shakllantirishda O'zbekiston Respublikasi Iqtisodiy faoliyat turlari umumdavlat tasniflagichidan (IFUT-2 taxr.) foydalaniladi. Umumiy ko'rsatkichni shakllantirishda asosiy vositalar va qurilish ishlariga investitsiyalarning texnologik tuzilmasi qo'llaniladi.

## 2.4 Hisobga olish asosi

### 2.4.1 Baholash (ma'lumotlar kategoriyasiga aloqador sifatida talab etiladigan kategoriya)

Oqimlarni ro'yxatga olishda foydalaniladigan baxolash qoidalari umumiy hisobda MHT-2008 talablariga mos keladi. Harid qilingan qurilish materiallari, qismlari va konstruksiyalar narxini aniqlashda QQS, aksizlar, transport xarajatlari va ish olib boriladigan korxonalar omboriga yoki yetkazib berish bilan bog'liq boshqa xarajatlar hisobga olinadi.

### 2.4.2 Hisobga olish asosi (ma'lumotlar kategoriyasiga aloqador sifatida talab etiladigan kategoriya)

Qurilish narxlari kuzatuv tizimining asosiy elementi - bu pudratchi tashkilotlarda resurslar narxlarini davlat statistika hisoboti shaklida ro'yxatdan o'tkazish. Korxonalar ma'lumotni hisobot oyining 17-kunidan kechiktirmay taqdim etadilar. Sotib olingan materiallarning narxi ular sotib olingan oyda hisobga olinadi. Istisno holatlarda buxgalteriya hisobi bir oylik muddat bilan o'tkazilishi, bu korxonalarining ishlab chiqarish faoliyatining o'ziga xos xususiyatlari va ular uchun buxgalteriya hisobini tashkil etishning xususiyatlari bilan bog'liq bo'lishi mumkin.

### 2.4.3 Yalpi/sof ko'rsatkichlarni hisoblash tartiblari (tavsiya etiladigan kategoriya)

Yalpi/sof ko'rsatkichlarni hisoblash jarayonlari MHT-2008 ga muvofiq amalga oshiriladi. Narxlar indeksini hisoblash tartibi tegishli faoliyat turiga mansub korxonalar bo'yicha amalga oshiriladi

## 3. Aniqlilik va ishonchlilik

### 3.1 Boshlang'ich ma'lumotlar

#### 3.1.1 Boshlang'ich ma'lumotlarni yig'ish dasturlari (talab etiladigan kategoriya)

Ma'lumotlarni to'plash uchun har oy elektron ma'lumotlar bazasi shakllantiriladi. Ma'lumotlarni yig'ish dasturlarini batafsil tavsiflash uchun ma'lumotlar manbalari tahlil qilinadi.

Korxonalarining tanlanma statistik kuzatuvlarini amalga oshirishda birlashtirilgan hamda doimiy ravishda Vazirlar Mahkamasining 2012 yil 25 sentyabrdagi "Korxonalar va tashkilotlarning yagona davlat registri to'g'risidagi nizomni tasdiqlash to'g'risida"gi №274-son Qaroriga muvofiq faoliyat yuritadigan korxonalar va tashkilotlarning yagona davlat registri asos bo'lib hisoblanadi.

#### 3.1.2 Ta'riflar, statistik qamrov, klassifikatsiyalar, baholashlar va boshlang'ich ma'lumotlarni hisobga olish davri (tavsiya etiladigan kategoriya)

Birlamchi ma'lumotlar hisobga olish paytidagi manba bilan moslashtiriladi.

### 3.1.3 Boshlang'ich ma'lumotlarning o'z vaqtida tayyor bo'lishi (tavsiya etiladigan kategoriya)

Narxlarni o'rganish orqali dastlabki ma'lumotlarni to'plashning chastotasi va o'z vaqtida o'tkazilishi ma'lumotlarni tarqatish tizimi tomonidan taqdim etilgan talablarga muvofiq chiqish ma'lumotlarini yaratishga imkon beradi.

Tayanch korxonalar (respondentlar) hisobot topshirish tartibida belgilangan davriylik bo'yicha ogohlantirilganlar. Hisobot topshiruvchi korxonalar ro'yxatiga kiritilgan tashkilotlar hisobot taqdim etish muddatlari to'g'risida yozma ravishda ogohlantiriladi.

## 3.2 Boshlang'ich ma'lumotlarni baholash

### 3.2.1 Boshlang'ich ma'lumotlarni baholash (tavsiya etiladigan kategoriya)

Narxlar va ularning ekstremal qiymatlari to'g'risidagi ma'lumotlarni doimiy ravishda tekshiriladi. Shu kabi ishlarni bajaradigan yoki material sotib oladigan korxonalar va bir xil yetkazib beruvchilar uchun narxlarni tahlil qilinadi va taqqoslanadi. Agar haddan tashqari ekstrimal qiymat aniqlansa, ma'lumotlar to'g'ridan-to'g'ri korxonalar mutaxassislari tomonidan aniqlashtiriladi. Monopolist korxonalar va tartibga solinadigan narxlardagi mahsulotlar ishlab chiqaradigan boshqa korxonalar narxlarini aniqlash bo'yicha narxlarni tartibga solish bilan shug'ullanadigan davlat organlari bilan yaqin hamkorlikda faoliyat olib boriladi. Mahalliy ishlab chiqaruvchilar tomonidan sotib olingan qurilish materiallari narxlarini Davlat statistika ishlari dasturi asosida statistika organlarida mavjud bo'lgan sanoat ishlab chiqaruvchilarining narxlarini bilan taqqoslanadi.

## 3.3 Statistika usullari

### 3.3.1 Boshlang'ich ma'lumotlar bilan ishlashda statistika usullari (ma'lumotlar kategoriyasiga aloqador kategoriya sifatida talab etiladigan kategoriya)

Ma'lumotlarni shakllantirish tartibiga ko'ra ularni kodlashda mavjud dasturiy ta'minot to'plami va mantiqiy nazorat dasturi yordamida xatolar minimallashtiriladi.

### 3.3.2 Boshqa statistika jarayonlari (ma'lumotlar kategoriyasiga aloqador sifatida talab etiladigan kategoriya)

Texnologik tuzilish elementlari uchun o'ziga xos salmoq vazn tizimini shakllantirish uchun sanoat statistikasi, shuningdek, korxonalar xarajatlarini bir martalik tekshirish natijalari qo'llaniladi. Bundan tashqari, ma'lum turdagi qurilish materiallari uchun vazn sifatida, o'tgan yil uchun sotib olingan qurilish materiallari, ularning qismlari va tuzilmalari qiymati to'g'risida ma'lumot ishlatiladi. Salmoq vaznlar tarkibi har yili yangilanadi.

Qisqa muddatli narxlarning o'zgarishi oldingi oyga nisbatan va uzoq muddatli narxlarning o'zgarishiga nisbatan shakllantiriladi (o'tgan yilning dekabriga, yilning boshidan o'tgan yilning mos davriga, o'tgan yilning mos oyiga, shuningdek chorak ko'rsatkichlariga - o'tgan yilning mos davriga va o'tgan yilning mos choragiga). Hisob-kitoblar modifikatsiyalangan Laspeyres formulasidan foydalangan holda amalga oshiriladi.

### 3.4 Ma'lumotlarni taqqoslash

#### 3.4.1 Oraliq natijalarni taqqoslash (tavsiya etiladigan kategoriya)

Narxlar to'g'risidagi ma'lumotlar boshqa mavjud manbalardan (rasmiiy veb-saytlar, narxlarni boshqarish organlarining ma'lumotlari va boshqalar) olingan ma'lumotlar bilan taqqoslanadi.

#### 3.4.2 Oraliq ma'lumotlarni baholash (tavsiya etiladigan kategoriya)

Axborot boshqa manbalardan foydalangan holda ma'lumotlar bilan taqqoslanadi (3.4.1 qarang). Zarur hollarda DSQ statistik tafovutlarni tekshiradi.

#### 3.4.3 Yakuniy statistik ma'lumotlardagi farqlarni va boshqa muammolarni baholash (tavsiya etiladigan kategoriya)

Axborot boshqa manbalardan foydalangan holda ma'lumotlar bilan taqqoslanadi (3.4.1 qarang). Zarur hollarda DSQ statistik tafovutlarni tekshiradi.

### 3.5 Ma'lumotlarni qayta ko'rib chiqish tahlili

#### 3.5.1 Ma'lumotlarni qayta ko'rib chiqishni o'rganish va tahlil qilish (tavsiya etiladigan kategoriya)

Narx indeksi bo'yicha shakllantirilgan ma'lumotlar qayta ko'rib chiqilmaydi. Yangilangan salmoq vaznlar tizimini shakllantirish har yili amalga oshiriladi va yanvar oyidan hisoblash ishlarida foydalaniladi.

## 4. Amaliy yaroqlilik

### 4.1 Davriylik va o'z vaqtidaligi

#### 4.1.1 Davriylik (talab etiladigan kategoriya)

Asosiy kapitalga investitsiyalar va qurilish ishlari narxlari indeksi ma'lumotlari har oyda shakllantirishda

#### 4.1.2 O'z vaqtidaligi (talab etiladigan kategoriya)

Asosiy kapitalga investitsiyalar va qurilish ishlari narxlari indeksi oylik ma'lumotlarini tarqatish Davlat statistika ishlari dasturida keltirilgan muddatlarda amalga oshiriladi.

### 4.2 Qiyosiylik

#### 4.2.1 Ichki qiyosiylik (ma'lumotlar kategoriyasiga aloqador sifatida talab etiladigan kategoriya)

Asosiy kapitalga investitsiyalar va qurilish ishlari narxlari indeksi ko'rsatkichlari butun respublika bo'yicha, shuningdek texnologik tuzilish elementlari bo'yicha shakllantirilgan.

#### 4.2.2 Vaqt bo'yicha qiyosiylik (tavsiya etiladigan kategoriya)

Asosiy kapitalga investitsiyalar va qurilish ishlari narxlari indeksi oylik ma'lumotlari dinamikasi ketma-ketligi 2004 yildan mavjud.

#### 4.2.3 Sektorlar va sohalar o'rtasidagi qiyosiylik (tavsiya etiladigan kategoriya)

Davlat statistika qo'mitasi asosiy kapitalga investitsiyalar va qurilish ishlari narxlari indeksi ko'rsatkichlari bo'yicha statistik ma'lumotlarning boshqa statistik ma'lumotlar bilan muvofiqligini ta'minlaydi.

### 4.3 Ma'lumotlarni qayta ko'rib chiqish

#### 4.3.1 Ma'lumotlarni qayta ko'rib chiqish jadvali (talab etiladigan kategoriya)

Asosiy kapitalga investitsiyalar va qurilish ishlari narxlari indeksi bo'yicha shakllantirilgan va e'lon qilingan ma'lumotlar qayta ko'rib chiqilmaydi.

#### 4.3.2 Dastlabki va/yoki qayta ko'rib chiqilgan ma'lumotlarni aynan shu toifasi bo'yicha belgilash (talab etiladigan kategoriya)

Yakuniy ma'lumotlar tarqatiladi.

#### 4.3.3 Ma'lumotlarni qayta ko'rib chiqishni tahlil qilish va o'rganish bo'yicha olingan natijalarni tarqatish (tavsiya etiladigan kategoriya)

## 5. Qulayligi

### 5.1 Ma'lumotlar

#### 5.1.1 Statistik ma'lumotlarni taqdim etish shakli (talab etiladigan kategoriya)

Asosiy kapitalga investitsiyalar va qurilish ishlari narxlari indeksi ma'lumotlari O'zbekiston Respublikasi Davlat statistika qo'mitasi rasmiy <http://www.stat.uz> veb-sahifasining "Ochiq ma'lumotlar" bo'limida foydalanuvchilar uchun taqdim etiladi

Narx indeklari to'g'risidagi oylik ma'lumotlarni shuningdek, O'zbekiston Respublikasi ochiq ma'lumotlar portalining <https://data.gov.uz/ru/datasets> veb-saytida mavjud.

Statistik nashrlar (ma'lumotlar)ning chop etilishi jadvali Davlat statistika ishlari dasturida aks ettirilgan. Statistik to'plamlarda ma'lumotlar jadval shaklida taqdim etiladi.

#### 5.1.2 Ma'lumotlarni tarqatish vositalari va shakllari (talab etiladigan kategoriya)

##### 5.1.2.1 Bosma shaklida – Yangi nashrlar

Chiquvchi jadvallar

##### 5.1.2.2 Bosma shaklida – Haftalik byulletenlar

Mavjud emas.

##### 5.1.2.3 Bosma shaklida – Oylik byulletenlar

Mavjud emas.

##### 5.1.2.4 Bosma shaklida – Choraklik byulletenlar

Mavjud emas.

##### 5.1.2.5 Bosma shaklida – Boshqalar

Foydalanuvchilarning maxsus so'rovlari bo'yicha jadvallar.

##### 5.1.2.6 Elektron shaklda – Onlayn byulletenlar yoki ma'lumotlar

Oylik narx indekslari ma'lumotlari <http://www.stat.uz> rasmiy veb-sahifasining “Ochiq ma'lumotlar” bo'limida mavjud. Ma'lumotlar shuningdek manfaatdor foydalanuvchilar (davlat yoki korporativ) o'rtasida tarqatiladi.

#### 5.1.2.7 Elektron shaklda – Boshqalar

Rasmiy saytda mavjud yoki foydalanuvchi tomonidan maxsus so'rovlarga asosan elektron shaklda taqdim etiladi.

#### 5.1.5 So'rov bo'yicha ma'lumotlarni tarqatish (tavsiya etiladigan kategoriya)

O'zbekiston Respublikasining “Davlat statistika to'g'risida”gi qonuni, “O'zbekiston Respublikasi Davlat statistika qo'mitasi” Nizomi, Statistik ma'lumotlarni tayyorlash va tarqatish ishlarini tashkil etish reglamenti va boshqa normativ hujjatlar asosida foydalanuvchilar so'roviga asosan statistik ma'lumotlar o'rnatilgan tartib asosida taqdim etiladi. Statistik ma'lumotlarni tarqatish yuridik va jismoniy shaxslarning yozma murojaatlariga, shuningdek, tomonlarning ikki tomonlama kelishuviga asosan statistik to'plamlar, byulletenlar, tezkor ma'lumotlar bosma nashr yoki elektron shaklda ham amalga oshiriladi.

### 5.2 Metama'lumotlar

#### 5.2.1 Konsepsiyalar, statistik qamrov, klassifikatsiyalar, hisobga olish asosi, ma'lumotlar manbasi va statistik usullar to'g'risidagi hujjatlarni tarqatish (talab etiladigan kategoriya)

Narx indekslari ko'rsatkichlarining metama'lumotlari rasmiy veb-saytda joylashtiriladi.

## 9. Rejalar

### 9.1 Oxirgi

#### 9.1.1 Takomillashtirish rejaları – Oxirgi takomillashtirishlar

Yakunlangan rejalar:

Davlat statistika kuzatuvlari vositalari (anketa va shakllari)ni takomillashtirish.

### 9.2 Umumiy

#### 9.2.1 Takomillashtirish rejaları – Qisqa muddatlilari

Statistik instrumentariyni kelgusida takomillashtirish.

## 9.2.2 Takomillashtirish rejalari – O'rtta muddatlilari

Faoliyat turlari bo'yicha maxsus texnologik modellar ishlab chiqilganidan keyin statistik hisoblar metodologiyasini takomillashtirish, indikatorlarni shakllantirishning namunaviy usuliga o'tish.

## 9.3 Moliyaviy

### 9.3.1 Takomillashtirish rejalari – Texnik yordam/moliyalashtirishga ehtiyojlar – Qisqa muddatli

Moliyalashtirish har yili tasdiqlanadigan Davlat statistika ishlari dasturi asosida amalga oshiriladi.

### 9.3.2 Takomillashtirish rejalari - Texnik yordam/moliyalashtirishga ehtiyojlar– O'rtta muddatli

Moliyalashtirish har yili tasdiqlanadigan Davlat statistika ishlari dasturi asosida amalga oshiriladi.

## Aloqa bog'lash uchun shaxs (shaxslar):

Aloqa bog'lash uchun shaxs 1			
F.I.O.:	Umarov	Muxtor	
Lavozim:	Boshqarma boshlig'i		
Bo'linma:	Narxlar statistikasi boshqarmasi		
Bo'lim:			
Departament:	Narxlar statistikasi boshqarmasi		
Idora:	O'zbekiston Respublikasi Davlat statistika qo'mitasi		
Manzil (1 satr):			
Manzil (2 satr):			
Shahar/region:	Toshkent sh.		
Mamlakat:	O'zbekiston Respublikasi		
Pochta indeksi:	100170		
Telefon: mamlkat kodi/shahar kodi/raqam	998	71	202-80-36
Faks: mamlkat kodi/shahar kodi/raqam			
Elektron manzil:	M.Umarov@stat.uz		
Aloqa bog'lash uchun shaxs 2			
F.I.O.:	Egamshukurov	Zayniddin	
Lavozim:	Bo'lim boshlig'i		
Bo'linma:	Narxlar statistikasi boshqarmasi		
Bo'lim:	Ishlab chiqaruvchilar narxlari statistikasi bo'limi		
Departament:	Narxlar statistikasi boshqarmasi		
Idora:	O'zbekiston Respublikasi Davlat statistika qo'mitasi		
Manzil (1 satr):	Mustaqillik shohko'chasi 63-uy		
Manzil (2 satr):			
Shahar/region:	Toshkent sh.		
Mamlakat:	O'zbekiston Respublikasi		
Pochta indeksi:	100170		
Telefon: mamlkat kodi/shahar kodi/raqam	998	71	202-81-01
Faks: mamlkat kodi/shahar kodi/raqam			
Elektron manzil:			